



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-608/24
Sarajevo, 24.04.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 39. sjednici održanoj dana 24.04.2024. godine, primilo je k znanju

Informaciju o aktivnostima Grada Sarajeva na zaštiti sarajevskog ćevapa kao autohtonog domaćeg proizvoda.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*INFORMACIJA
O AKTIVNOSTIMA GRADA SARAJEVA NA ZAŠTITI SARAJEVSKOG ČEVAPA
KAO AUTOHTONOG DOMAĆEG PROIZVODA*

Sarajevo, april 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o aktivnostima Grada Sarajeva na zaštiti sarajevskog ćevapa kao autohtonog domaćeg proizvoda

I UVOD

Programom rada Gradskog vijeća Grada Sarajeva za 2024. godinu, broj: 01-GV-02-1998/23 od 27.12.2023. godine, predviđena je Informacija o aktivnostima Grada Sarajeva na zaštiti sarajevskog ćevapa kao autohtonog domaćeg proizvoda

Sarajevski ćevapi su prema Svjetskom atlasu hrane „The TasteAtlas“ u 2021. godini zauzeli visoko 10 mjesto na rang listi svjetskih 100 najprepoznatljivijih nacionalnih jela i svrstani su u top 5 jela s visokim potencijalom za zaštitu.

Grad Sarajevo je 2022. godine pokrenuo aktivnosti na zaštiti sarajevskog ćevapa kao autohtonog domaćeg proizvoda, odnosno registraciji za dobivanje zaštitne oznake geografskog porijekla, a u cilju zaštite i promocije najpoznatijeg sarajevskog brenda – ćevapa, kao i jačanju gastronomske i turističke ponude.

Prvi konsultativni sastanak na temu zaštite sarajevskog ćevapa održan je s predstavnicima zainteresiranih ćevabdžinica dana 02.06.2022. godine u prostorijama Gradske uprave Grada Sarajeva. Zatim je gradonačelnica Grada Sarajeva upriličila sastanak za ugostitelje – predstavnike ćevabdžinica dana 01.07.2022. godine u Vijećnici. Tom prilikom gradonačelnica je istaknula da će Grad Sarajevo, putem Službe za lokalno poslovanje i drugih službi u Gradskoj upravi, pružiti potrebnu finansijsku i tehničku podršku u cilju zaštite sarajevskog ćevapa.

Zamolila je prisutne ugostitelje da daju svoj doprinos osnivanju Udruženja sarajevskih ćevabdžija koje jedino može aplicirati za zaštitu sarajevskog ćevapa.

Nakon sastanka s gradonačelnicom, održana je prezentacija o zaštiti ćevapa koju je pripremio i prezentirao Emir Đedović, ekspert za sigurnost hrane iz Agencije za sigurnost hrane BiH.

Dogovoreno je da Grad Sarajevo bude koordinator aktivnosti na osnivanju Udruženja sarajevskih ćevabdžija.

II OSNIVANJE I REGISTRACIJA UDRUŽENJA SARAJEVSKIH ĆEVABDŽIJA

Prvi korak ka postupku zaštite i brendiranja sarajevskog ćevapa kao autohtonog domaćeg proizvoda jeste osnivanje udruženja. U tom smislu, nakon održanih konsultativnih sastanaka s predstavnicima ugostitelja – sarajevskih ćevabdžija, dogovoreno je da Grad Sarajevo pruži potrebnu podršku za osnivanje Udruženja sarajevskih ćevabdžija koje jedino može biti formalni podnosilac zahtjeva za zaštitu sarajevskog ćevapa.

S tim u vezi, s predstavnicima ugostitelja – sarajevskih ćevabdžija, a uz podršku Gradske službe za lokalno poslovanje i Stručne službe za poslove kabineta i poslove Gradske uprave, dana 02.11.2022. godine održana je sjednica osnivačke Skupštine Udruženja sarajevskih ćevabdžija.

Za osnivačku skupštinu Udruženja, Stručna služba za poslove kabineta i poslove Gradske uprave pripremila je Prijedlog Statuta Udruženja i Prijedlog Poslovnika o radu Skupštine Udruženja. Na navedenoj sjednici, Skupština Udruženja izvršila je izbor predsjednika osnivačke Skupštine te izbor zapisničara i ovjerivače zapisnika, usvojila Statut Udruženja, usvojila Poslovnik o radu Udruženja, te donijela:

- Odluku o osnivanju Udruženja sarajevskih ćevabdžija,
- Odluku o izboru predsjednika i potpredsjednika Udruženja,
- Odluku o izboru predsjednika i zamjenika predsjednika Skupštine Udruženja i
- Odluku o imenovanju osobe ovlaštene za zastupanje i predstavljanje Udruženja.

Za predsjednicu Udruženje jednoglasno je izabrana Amela Ferhatović koja je ujedno u svojstvu predsjednice Udruženja ovlaštena za podnošenje prijave i upis Udruženja u Registar Udruženja kod nadležnog Ministarstva, kao i za vršenje drugih radnji potrebnih za registraciju kod nadležnog Ministarstva.

Nakon održane osnivačke Skupštine, Stručna služba za poslove kabineta i poslove Gradske uprave pružila je podršku Udruženju u postupku registracije Udruženja kod nadležnog Ministarstva te u skladu sa Zakonom o udruženjima i fondacijama („Službene novine Federacije Bosne i Hercegovine“, broj 45/02) i Vodičem za upis u registar Udruženja, pripremila sve potrebne osnivačke akte:

- Odluku o osnivanju Udruženja sarajevskih ćevabdžija,
- Odluku o imenovanju predsjednika Udruženja sarajevskih ćevabdžija,
- Odluku o imenovanju potpredsjednika Udruženja sarajevskih ćevabdžija,
- Odluku o imenovanju predsjednika Skupštine Udruženja sarajevskih ćevabdžija,
- Odluku o imenovanju zamjenika predsjednika Skupštine Udruženja sarajevskih ćevabdžija,
- Odluku o imenovanju lica ovlaštenog za zastupanje i predstavljanje Udruženja sarajevskih ćevabdžija, te su isti dana 26.12.2022. godine, uz Zahtjev za upis u Registar Udruženja, predati na protokol kod nadležnog Ministarstva.

Ministarstvo pravde i uprave Kantona Sarajevo, dana 06.02.2023. godine, donijelo je Rješenje broj: 03-03-04-18884/22 o upisu u Registar udruženja koje se vodi kod Ministarstva pravde i uprave Kantona Sarajevo.

Nakon što je danom upisa u Registar kod Ministarstva, udruženje steklo svojstvo pravnog lica, potrebno je bilo izraditi pečat Udruženja, nakon čega se su stekli uslovi da se podnese Zahtjev Poreznoj upravi Federacije Bosne i Hercegovine – Kantonalni porezni ured Sarajevo za dodjelu ID broja, te Zahtjev Federalnom zavodu za statistiku Sarajevo – Služba za statistiku za područje Kantona Sarajevo za razvrstavanje poslovnog subjekta prema klasifikaciji djelatnosti.

Porezna uprava Federacije Bosne i Hercegovine, dana 09.03.2023. godine, donijela je Uvjerenje o registraciji poreznog obveznika „Udruženje sarajevskih ćevabdžija“.

Federalni zavod za statistiku Sarajevo, dana 14.03.2023. godine, donio je Obavještenje o razvrstavanju poslovnog subjekta prema klasifikaciji djelatnosti.

Kako je završen proces registracije Udruženja sarajevskih ćevabdžija s Registracijom kod nadležnog Ministarstva i ishodovanjem svih gore navedenih Zahtjeva, cjelokupna dokumentacija Udruženja sarajevskih ćevabdžija predata je Udruženju, odnosno predsjednici Udruženja na daljnje postupanje.

III AKTIVNOSTI U POSTUPKU REGISTRACIJE SARAJEVSKOG ĆEVAPA OZNAKOM GEOGRAFSKOG PORIJEKLA

Oblast zaštite prehrambenih proizvoda oznakama porijekla, oznakama geografskog porijekla i oznakama garantirano tradicionalnog specijaliteta u Bosni i Hercegovini uređena je Pravilnikom o sistemima kvaliteta za prehrambene proizvode („Službeni glasnik BiH“, broj 90/18).

Ovim Pravilnikom propisan je postupak zaštite oznaka porijekla i zaštite oznaka geografskog porijekla te postupak zaštite oznaka garantirano tradicionalnog specijaliteta prehrambenih proizvoda na teritoriji Bosne i Hercegovine, kao i postupak za podnošenje zahtjeva za registraciju i podnošenje prigovora za oznake porijekla, oznake geografskog porijekla i oznake garantirano tradicionalnog specijaliteta prehrambenih proizvoda na nivou Evropske unije.

Nakon što je okončan postupak registracije Udruženja, u 2023. godini nastavljene su aktivnosti na registraciji sarajevskog ćevapa oznakom geografskog porijekla.

Služba za lokalno poslovanje nastavila je komunikaciju i saradnju s Emirom Đedovićem, ekspertom za sigurnost hrane iz Agencije za sigurnost hrane BiH, koji je bio angažiran od strane Grada Sarajeva za konsultantsko-specijalističke usluge u postupku registracije Udruženja i koordinirala pripremu potrebnih specifikacija i pripremu zahtjeva prema Agenciji za sigurnost hrane BiH.

Također, objavljen je tekst o sarajevskim ćevapima u dnevnim novinama Avaz, u junu 2023. godine, autora Mufida Garabije. Pomoćnik gradonačelnice za lokalno poslovanje dao je intervju za švicarski radio o postupku registracije sarajevskog ćevapa.

Ugovorom o realizaciji odobrenih sredstava iz Budžeta Grada Sarajeva za 2023. godinu, Udruženju sarajevskih ćevabdžija dodijeljena su sredstva u iznosu od 4.000,00 KM za troškove postupka registracije sarajevskog ćevapa, troškove izrade vizuelnog identiteta udruženja i administrativne troškove.

U 2023. godini izrađen je logotip Udruženja sarajevskih ćevabdžija.

Zahtjev za registraciju sarajevskog ćevapa zaštićenom oznakom geografskog porijekla predat je Agenciji za sigurnost hrane BiH i kao formalno-pravno potpun, u januaru 2024. godine proslijeđen je Komisiji za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini koja provodi njegovu stručnu provjeru.

Agencije za sigurnost hrane Bosne i Hercegovine donosi Rješenje kojim se registrira oznaka geografskog porijekla, ukoliko Komisija utvrdi da je zahtjev kompletan i osnovan.

Zaštićena oznaka geografskog porijekla doprinosi većoj tržišnoj vrijednosti proizvoda koja odgovara njegovim posebnim svojstvima i time stečenom ugledu. Zaštitom se sprječava zloupotreba ili neovlaštena upotreba geografske oznake od drugih lica.